

T.B.M.M


DDC:
YER: 74-9
YIL:
CLT:
KSM:
KOP:
DEM: 73-16985

KÜTÜPHANESİ

۱۹۴۷

۲۲

دشمن طیاره لرینک نعرضانه قارشى تدابیر
و صور تحفظیه حقه تملیات




استانبول - مطبعهء عسكریه

۱۳۳۴

۲۰۳
۲۵۰۰-ب

۱۹۴۷
۲۲۲

دشمن طیاره لرینک تعرضاتنه قارشى تدابیر
و صور تحفظیه حقنده تعلیمات



استانبول - مطبعة عسكرية

۱۳۳۴

۳۲/۹/۱۴

باش قوماندانلق ارکان حرابه رباسق
قوای هوائییه مفتش عمومیلکی
خومرو
۳۴۴۷

دشمن طیاره لرینک تهرضاتنه قارشی دواثر ، مؤسسات
فابریقه لر وجیبه خانه لنگلرده وسائر اماکن میریبه ده اتخاذ
اولنه حق تدابیر وصور تخفطیه حقنده تعلیمات

۱ — دشمن طیاره لری طرفندن استعمال ایدیه
بیله جک اولان بومبالر حقنده ایضاحات . — دشمن
طیاره لرینک استعمال ایده جکاری بومبالر تخریب
ویانغین بومباسی اولوق اوزره اساس اعتباریه ایکی
نوعدر :

۱ — تخریب بومبالری : زیروح، غیر زیروح هدفله
قارشی استعمال ایدلمک اوزره ایکی قسمه آیریایر .
ب — زیروح هدفله قارشی استعمال ایدیلن بومبالر
آنحجق زمین اوزرنده کی ذوالار واحی استهدافاً اعمال
اولندقلرندن مبانی اوزرنده کی تأثیراتی همان جزئیدر .
بونوع بومبالر هرهانکی بر نقطه ایله مصادمه بی متعاقب

اشتعال ایدرک زمينه موازی و عمودی اولمق اوزره بر نصف کره شکلده انتشار ایلر وجسام تیله متناسب بر دائرة تأثیر داخلده اجرایی تخریبات ایدرکه یره دوشن برشراینل تأثیرینه مشاهددر یره یاتان برهدفه دخی مؤثردر .

ح — غیرزیروح هدفله قارشیی استعمال ایدیلن بومبالرایسه علی العموم مبانی رسمیه بی تخریب مقصدینه کوره اعمال ایدلدکلرندن اصابت ایتدکلری محله ، ییقمق واجرای نفوذ ایتک خاصه وقوتی حائر اولوب بوخاصه وقوتی ثقلتری ، سقوط ارتفاعری وسرعت سقوططریله مبسوطاً متناسبدر . تأثیراتی طویلیقلده کی دانه تأثیرینه مشاهددر . دشمن طیاره لرینک مسافه بعیده دن کتیره جکلری بونوع بومبالرک ثقلتی اون کیلو ایله الی کیلو آره سنده تخالف ایدوب درجه نفوذلری زمین اوزرنده اون سانتیمدن اعظمی ایکی متره یه قدردر .

د — یانغین بومبالری : بونلر زیروح هدفله قارشیی استعمال اولان تخریب بومبالرینک برنوع دیکری اولوب سقوطلرنده کنیدلرینه اجرایی فعل ایده جک درجه ده بر مقاومت کورونجه یه قدر اصابت ایتدیکی محلی کوچوروب انفلاق ایدرلر . هر قنغی بومبالک اشتعالی متعاقب خاصه مهله کی سی

زائل اوله جغندن يانغين بومبایی اولسی وایقاع حریق ایتمسی احتمالنه بناءً اشتعالنی متعاقب درحال وبلانردد تدابیر مانعه اتخاذ اولماید. یانغین بومبارینه قارشی صواستعمالی قطعاً غیر جائزدر. بناءً علیه بونلرک اجرای فعل ایتملرینی منع ایده جک مؤثر تدبیر اوله رق هوا ایله تماسلری قطع اولملی و بونک ایچونده طوپراق ویاخود قوم استعمال ایدلاید.

۲ — دشمن طیاره لرندن آتیلان بومباره قارشی اتخاذ اوله جق تدابیر. — دشمن طیاره لر نیجه هدف تعرض اتخاذ اولنان مبانی، دوائر رسمیه و مؤسسات عسکریه نوعندن اولدیغنه کوره اتخاذ اوله جق تدابیرده آزا ویا جوق فرقلره تنوع ایدر.

دوائر رسمیه — بوکبی مبانی ده اک زیاده نظر دفته آله جق خصوصات اوراق مهمه رسمیه نک ضیاعدن وقایه سی و مأمورینک تهلمکدن صیانتیدر.

اوراق رسمیه نک (مخزن اوراق) زمین قاتنده ایسه ساچ صندوقلر دروننده حفظی و زمین قانندن آشاغی ده ایسه علی العاده صندوقلر دروننده بولندیرلمسی کافیدر. مخزن اوراق غیر موجود اولدینی تقدیرده اوراق مذ کوره بو نقطه نظره موافق اوله رق انشا ایلمش زمینلکرده و عادی صندوقلر دروننده حفظ

اولنور . بوندن ماعدا تهلكه استخبار اولنديغنى متعاقب درحال دروننه اوراق مهمه وضع ايدلك اوزره قلم اوپه لرنده ساچ ويا ايجه دميردن معمول وقابل نقل صندوقر بولنديرلمسى ايجاب ايدر . مأمورين تهلكه اخبار ايديلير ايدلر اوراق رسميه يى سرعتله مبحوث صندوقره وضع ايتدكدن صكره اولجه احضار اولمان زمينلكره وموجود اولمديغى تقديرده مجتمعا اولماق شرطيله زمين وشايد وار ايسه ترجيحاً بودروم قاننه اينرلر . دائره برويايى قاندىن عبارت اولوب زمينلكه مساعد محل بولنديغى تقديرده هر حالده زمينلك انشاسى مقتضيدر .

مؤسسعات عسكريه - سوقيات ، لوازم ، ده پويلر ، انبارلر ، مسافر خانه لر ، استاسيونلر على الاكثر باراقه لرده وكوچك بنالر داخنده بولندقلرندن اول امرده تحت تحفظه آله حق اشخاص ومالزمه در .

اوراق مهمه وقیودات اساسيه حقتنده دوائر رسميه مثللو حرکت اولنور . بو كى محللرده افراد ايچون زمينلكر انشاسى واشيانك بالخاصه اوت ، صمان ، پاموق وسازه كى موادك بر حريق ظهورنده توسعنه امكان قالميه حق صورتده منفرق ومتباعد بولنديرلمسى ايجاب ايدر . زمينى طاشلق ويا اراضيسى محدود اولوب

زمینک انشاسنه مساعد اولمیان یرلرده اطرا نه نوبتجی
اقامه ایدیله رک افراد طاغینق برحاله بولندیریلور .
یاغ ، بازین ، پترول وسائره کبی مواد مشتعله ایسه
ممکن اولدینی تقدیرده تحت الزمین ده پولرده حفظ
ایدلیدر .

فابریقه لر جیخانه لککر — بونلر دشمنجه اک
ن یاده حائر اهمیت و اک زیاده کوزه چار په جق هدفلر
تشکیل ایتدکارندن تقیداتده بونستنده اهمیتلی ومضاعف
اولمیدر .

فابریقه لر : باروت ومهمات اعمالنه مخصوص ایسه
اک زیاده مستعد اشتغال اولان مواد ابتدائییه ویا احضار
اولنمش باروت وجیخانه لر ممکن ایسه زمینلکرده عکس
حاله یکدیگرندن متأثر اولیه جق درجه ده متباعد
ومتفرق و ممکن اولدینی قدر محفوظ و محکم محالرده
بولندیرلمقوله برابر بونوع فابریقه لرده تهلیکه کی موادک
فضله مقدارده ترا کمنه محل براقیلمایارق سوق ایدلمیدر .

جیخانه لککر : شهر ویا مواقع مسکونه دن اوزاق
محالرده تأسیس اولنوب جمع و احضار اولنان جیخانه لری
ممکن مرتبه متفرق بولندیریمق قاعده سنه اعتنا ایدلمیدر .
۳ — زمینلککرک طرز انشاسی . — زمینک :

صطح قوقانیسی خارجی طوپراق سطحندن لاقیل ایکی مترودرینده اولوق شرطیله خفری وبعده بو ایکی متره لک محلك طاش و طوپراق ایله املاسی ایجاب ایتمکله برابر مدخلی، سرعت و سهولتله کیریله بیله جک طرزده و مؤسسانه ویا ارکاب محللرینه متوجه اولوق اوزره اوزری مستور اوزونجه و زیقزاق واری انشا ایدلمیدر . زمینلک لک رک ممکن مرتبه هدف اصلی یه اوزاق اولسی شرطدر . یو طرزده یعنی اوزری ایکی متره طوپراق و طاش دولدریق صورتیله زمینلک انشاسنه اراضینک جنسی ویا جواری مساعدا اولمدینی تقدیرده اوزرینه یارم متره تحتیده طوپراق وضع اولوق شرطیله (پوتره ل) ویا قالین قالا صلردن ویکدی کیرندن . متفرق اوله رق متعدد زمینلک لک انشاسی و بوده و سائطک فمداننه بناء یاپیله مدینی تقدیرده زیقزاق واری درین و دارا اوله رق اوستی آچیق خندقلر قازلمسی فآده دن خالی دکلدن .

۴ — کیجه آله جق ترتیبات . — کوندوز آلان ترتیباتک عینی اولوب یالک ز دشمنه هدف ارا نه ایتمک اوزره ضیانک خارجه انتشارینه میدان ویرما مکه صبقی برضبط وربطی تأمین ایتمکله اطفا ئیه و صحیه قطعهلرینی ال ایچنده یولندیرمغه صورت قطعیده اعتنا اولنلمیدر . الکتریق

تنویرانی موجود اولان محللرده جریان قطع اولته جفندن قارغشلهقه محل قالماق وهرکس وظیفه مترتبه سنی حسن صورتله ایفا ایده بیلیمک اوزره موقت بر زمان ایچون وینه ضیانک خارجه عدم انتشاری کوزه دلمک شرطیله برای استعمال اولجه معلوم ویا الکتریک جیب فنارلری تدارک ایدلملیدر . تهلهکه بر طرف اولونجه تکرار تنویراته دوام اولتور .

کوک اینه لرده وکوک زمینلکلرده بر طیاره تعرضی ائناسنده اشخاصک تحفظنه تخصیص ایدیلن محللره کوندوز کوزه کورینه جک طرزده لوحه لر کیجه دونوق وهوادن کورولیه جک طرزده اوستی قبالی رنگلی فنارلر تعلیق ایدلسی کشمکشه مانع تداییر جمله سندندر .

۵ - دوا ژرسمیه و مؤسسات عسکریه مدیرلری منفرد اینه لرده بولنان اکبیوک آمرلردشمن طیاره لرینک تقریبی استخبار ایدر ایتمز اک سریع واسطه ایله تهلهکه اشارتی ویرمکدن ، اوراقک صندوقله وضع و نغاندن ، امین و محفوظ محللر موجود اولدینی تقدیرده هیچ بر فردک آچقیده بولندبرلاماسندن ، حریره قارشو اطفا وظیفه سیله مکاف بر قطعه نک دایما امره آماده قیلنمه سندن ، اطفا ی حریق ایچون اقتضا ایدن وسائطک احضارندن

و مملو صو ده بولرينك كيجه كوندوز آچيق بولماسندن
حال فعاليتده بولنان قزغان ، اوجاق و دينا موئر حقتده
تدابير اتخاذندن و ايجاب ايدن مالزمه صحيه بي حامل بر
صحيه قطعه سنك احضارندن مسؤلدر .

۶ — دشمن طياره لر ينك عودتني متعاقب تهلكه نك
زوالی و سائط مناسبه ايله بيلديرلمليدر .

بروجه بالا ايضاح اولنان تدابيرك حسن صورتله
تطبيقني تأمينه و اقتضا ايدن ممارسه بي اکتسابه مدار
اولمق اوزره دوائر رسميه و مؤسسات عسکريه ده
مساعد زمانلرده بالا اختيار تهلكه اعلان ايديلهرك و ترتيبات
تحفظيه تجربهلری ياپيلمسی مقتضيدر .



تبلیغات

قرارگاه عمومی شعباتنه
برنجی قول اردو قوماندانلغنه
در سعادت مرکز قوماندانلغنه
مواقع مستحکمه یه
حربیه دائره سنه
» لوازم
» صحیه
» اردو
معاملات ذاتیه یه
ده پو قطعاتی مفتش عمومیلکنه
اسلحه مفتش عمومیلکنه
بوغازلر عموم قوماندانلغنه
